

Bosna i Hercegovina
Federacija Bosne i Hercegovine
Hercegovačko-neretvanski kanton
SKUPŠTINA
Broj: **02-01-VIII-087/20**
Mostar, 01.09.2020. godine

IZVOD IZ ZAPISNIKA
sa osme (VIII.) redovne sjednice Skupštine
Hercegovačko-neretvanskog kantona

Sjednica je održana dana 01.09.2020. godine u sali Gradske vijećnice u Mostaru sa početkom rada u 11:00 sati.

Sjednicu je otvorio Šerif Špago, predsjedavajući Skupštine Hercegovačko-neretvanskog kantona.

Sekretar Skupštine, Željka Čule, obavila je prozivku.

Prisutni: Marija Bešker, Nevenko Herceg, Stana Burić, Selma Drljević, Elvedin Grcić, Mejrima Hasić, Zora Dujmović, Julineta Jurić, Tomislav Martinović, Irma Memidžan, Ivan Odak, Andrea Pehar, Milica Pehar, Đuro Prkačin, Iva Raguž, Slaven Raguž, Amir Šelo, Šerif Špago, Aner Žuljević, Damir Džeba, Alisa Hajdarević, Marija Bošković, Kenan Memić i Edis Džino.

Odsutni: Slavko Bilić, Vera Konjevod, Ismet Lulić, Vesna Saradžić, Ajdin Teletović i Nermin Vrtić.

Konstatovano je da je na sjednici prisutno **24** poslanika, te da postoji kvorum za rad i punovažno odlučivanje.

Prisutni po pozivu: predstavnici Vlade, predstavnici međunarodnih organizacija i predstavnici sredstava javnog informisanja.

Sjednica je javna, snimana je i snimci su sastavni dio ovog Izvoda iz zapisnika.

Prijedlog Dnevnog reda:

1. Poslanička pitanja;
2. Informacija o trenutnoj epidemiološkoj situaciji u HNK;
3. Prijedlog Zakona o izmjenama i dopunama Zakona o oružju i municiji u HNK (utvrđen po skraćenom postupku);
4. Prijedlog Zakona o izmjenama i dopunama Zakona o izvršenju sankcija u HNK (utvrđen po skraćenom postupku);
5. Prijedlog Zakona o dopunama Zakona o osnovnom odgoju i obrazovanju (utvrđen po skraćenom postupku);
6. Prijedlog Zakona o dopunama Zakona o srednjoškolskom odgoju i obrazovanju (utvrđen po skraćenom postupku).

Otvorena je rasprava po prijedlogu dnevnoga reda.

U raspravi nije nitko učestvovao.

Predsjedavajući Skupštine Šerif Špago je istaknuo da će se prije glasanja, odnosno utvrđivanja konačnog dnevnog reda, s obzirom da su tačke 3, 4, 5 i 6 predložene od Vlade da

se raspravljaju po skraćenom postupku, poslovnički Skupština izjasniti da li će se ovi prijedlozi zakona raspravljati po skraćenom postupku.

Obavljeno je glasanje da Prijedlog Zakona o izmjenama i dopunama Zakona o oružju i municiji u HNK-a bude raspravljan po skraćenom postupku.

Većinom glasova „Za“, uz 1 glas „Protiv“, Skupština je utvrdila da Prijedlog Zakona o izmjenama i dopunama Zakona o oružju i municiji u HNK-a bude utvrđen po skraćenom postupku.

Obavljeno je glasanje da Prijedlog Zakona o izmjenama i dopunama Zakona o izvršenju sankcija u HNK-a se raspravlja i bude utvrđen po skraćenom postupku.

Većinom glasova „Za“, uz 1 glas „Protiv“, Skupština je utvrdila da Prijedlog Zakona o izmjenama i dopunama Zakona o izvršenju sankcija u HNK-a se raspravlja i bude utvrđen po skraćenom postupku.

Obavljeno je glasanje da Prijedlog Zakona o dopunama Zakona o osnovnom odgoju i obrazovanju se raspravlja i bude utvrđen po skraćenom postupku.

Većinom glasova „Protiv“, i 8 glasova „Za“, Skupština je utvrdila da Prijedlog Zakona o dopunama Zakona o osnovnom odgoju i obrazovanju nije dobio potrebnu većinu, te će se ovaj zakon će raspravljat u formi nacрта.

Obavljeno je glasanje da Prijedlog Zakona o dopunama Zakona o srednjoškolskom odgoju i obrazovanju se raspravlja i bude utvrđen po skraćenom postupku.

Većinom glasova „Protiv“, i 8 glasova „Za“, Skupština je utvrdila da Prijedlog Zakona o dopunama Zakona o srednjoškolskom odgoju i obrazovanju nije dobio potrebnu većinu, te će se ovaj zakon će raspravljat u formi nacрта.

Usljedio je glasanje za predloženi dnevni red osme redovne sjednice Skupštine.

Većinom glasova „Za“, i 2 glasa „Protiv“, utvrđen je dnevni red osme redovne sjednice Skupštine HNK.

Usvojeni Dnevni red:

- 1. Poslanička pitanja;**
- 2. Informacija o trenutnoj epidemiološkoj situaciji u HNK;**
- 3. Prijedlog Zakona o izmjenama i dopunama Zakona o oružju i municiji u HNK (utvrđen po skraćenom postupku);**
- 4. Prijedlog Zakona o izmjenama i dopunama Zakona o izvršenju sankcija u HNK (utvrđen po skraćenom postupku);**
- 5. Nacrt Zakona o dopunama Zakona o osnovnom odgoju i obrazovanju;**
- 6. Nacrt Zakona o dopunama Zakona o srednjoškolskom odgoju i obrazovanju.**

Nakon usvajanja dnevnog reda, uz tehničku ispravku na prijedlog poslanice Milice Pehar, jednoglasno je usvojen i izvod iz zapisnika sa šeste redovne sjednice Skupštine, pete vanredne sjednice Skupštine HNK i šeste vanredne sjednice Skupštine HNK.

AD 1. Poslanička pitanja

Julineta Jurić:

Poštovane kolegice i kolege, sve vas zajedno pozdravljam, kao i nazočne predstavnike medija. Imam dva zastupnička pitanja za Ministarstvo prosvjete, znanosti, kulture i športa. Vrtići u HNŽ-u su trebali početi sa radom danas, 01.09., ali su roditelji tek jučer dobili poruku da vrtići počinju sa radom 07.09., zbog smanjenja broja djece u skupinama. Naime, naredbom Zavoda za javno zdravstvo F BiH, kao i naših županijskih tijela, broj djece u skupinama sa 20 smanjen je na 9-tero djece. Hoće li doći do promjene odluke o broju djece u skupini, to jest povećanja, kako bi sva djeca pošla u vrtić?

I drugo pitanje, kada će biti donesen zakon o udžbenicima. Obrazloženje: zakon o udžbenicima bi trebao regulirati između ostalog i pojam digitalnog udžbenika kako bi se znalo u kojem pravcu treba ići reforma obrazovanja. U HNŽ- je aktualan nastavni plan i program iz 2008. godine, koji je po svemu zastario, te je zbog toga potrebno provesti kurikularnu reformu. Agencija za predškolsko, osnovnoškolsko i srednje obrazovanje je već donijela zajedničke jezike definirane na ishodima učenja u BiH, odnosno po novom kurikulu kojeg županije trebaju prilagoditi i sukladno tomu raspisati natječaj za izradu novih udžbenika. Hvala.

Rašid Hadžović, ministar obrazovanja, nauke, kulture i sporta u Vladi HNK:

Poštovane poslanice i poslanici, pozdravljam vas sve, ovo je danas evo prvo javljanje. Znači pitanje koje je uvažena poslanica postavila je pitanje za zdravstvenu struku, nismo mi određivali koliko će djece bit u grupama, nego je Zavod za javno zdravstvo izvršio preporuke i oni su radili pravila određena koja su dostavljena poslije korone vrtićima. Finansijski gledano teško je za vrtiće da bude 10-ero djece u grupi i zato se to traži povećanje. Prava adresa je Krizni štab i Zavod za javno zdravstvo jer oni kontrolišu epidemiološku situaciju.

Amir Šelo:

Pozdravljam uvažene kolegice i kolege, medije i sve ostale prisutne, članove Vlade. Za današnju sjednicu skupštine HNK-a pripremio sam dvije poslaničke inicijative, a prije nego što ih pročitam opet sugerišem uvaženom kolegiju skupštine, da se nadam da će se buduća zasjedanja skupštine javno prenositi. Mislim da u 21. stoljeću možemo za mal novac obezbjediti da bude live streaming skupštine i da građani mogu imati kompletan uvid u rad ovoga zakonodavnog tijela.

Prva poslanička inicijativa se odnosi na sljedeće: Poštovani, pokrećem poslaničku inicijativu prema Vladi F BiH, da izmijeni zakon o zaštiti i spašavanju ljudi i materijalnih dobara od prirodnih i drugih nesreća, a koji bi predvidio prestanak primjene člana 180, a koji predviđa plaćanje posebnog poreza za zaštitu od prirodnih i drugih nesreća. Naime, dosadašnji model finansiranja sistema civilne zaštite iz člana 189 i člana 180 ovoga zakona se pokazao poprilično neefikasnim, a pogotovo u dijelu koji se odnosi na član 180 zakona koji predviđa plaćanje 0,5% posebnog doprinosa za zaštitu od prirodnih i drugih nesreća koji su dužni plaćati sva privredna društva i građani koji obavljaju samostalnu djelatnost na osnovicu koju čine neto plaće zaposlenih, honorari isplaćeni po osnovu ugovora o privremenim i povremenim poslovima. Smatram kako se radi o klasičnom parafiskalnom nametu koji se u dosadašnjoj praksi pokazao kao opterećenje za poslodavce i radnike, a nikako kao doprinos jačanju sistema zaštite i spašavanja. Navedeni porez se u veći slučajeva trošio nenamjenski i nije poslužio adekvatnoj svrsi. Kao adekvatan primjer ovoga možemo navesti primjer Civilne zaštite grada Mostara koja iz godine u godinu ovaj porez prenosi ili ga troši nenamjenski. Samo u ovome momentu na računima Civilne zaštite grada Mostara se nalazi oko 10.000.000 KM. Obzirom na to da se sistem civilne zaštite i njeno finansiranje treba prilagoditi evropskim standardima, smatram kako prvi iskorak u tome treba biti ukidanje parafiskalnog nameta u iznosu 0,5% koji

je predviđen članom 180 zakona o zaštiti i spašavanju ljudi i materijalnih dobara od prirodnih i drugih nesreća.

Druga poslaničku inicijativu upućujem prema Vladi HNK-a. Ona se tiče sljedećeg: Pokrećem poslaničku inicijativu prema Vladi HNK-a, da depozitni račun za prikupljanje javnih prihoda kantona bude otvoren kod Union banke, kao jedine komercijalne banke u državnom vlasništvu u BiH. Union banka d.d. Sarajevo djeluje kao komercijalna banka u većinskom državnom vlasništvu u BiH. Također radi se o jedinjoj banci putem koje se plasiraju najpovoljniji krediti za mlade i preko koje se odvija uspostavljanje Garancijskog fonda F BiH.

U vremenu pandemije Covid 19 pokazalo se da domaći resursi predstavljaju jedino pravo bogatstvo svake države. Smatrajući da se jedina državna banka treba dodatno ojačati pozivam vas da podržite inicijativu da se kod Union banke otvori depozitni račun za prikupljanje javnih prihoda HNK-a. Hvala lijepo.

Alisa Hajdarović:

Pozdravljam kolegice i kolege zastupnike, članove Vlade. Na osnovu člana 83 Poslovnika Skupštine HNK-a podnosim sljedeću inicijativu: pozitivnu listu lijekova koji se propisuju i izdaju na teret Zavoda zdravstvenog osiguranja HNK-a proširiti sa listom imunosupresivnih lijekova. Obrazloženje: imunosupresivni lijekovi ili imunosupresivi su skupina lijekova koji se koriste za umjetno imunosupresiju, umjetna supresija imuniteta. Umjetna imunosupresija koristi se u liječenju autoimunih bolesti. Autoimune bolesti su poremećaji imuniteta u kojima on prejak ili preslabo reagira i potom uništava vlastito tkivo. To prouzrokuje propadanje tkiva, ranjivost i infekcije. Postoji oko 80 tipova autoimunih bolesti, od kojih su najčešće prisutne kod populacije sljedeće autoimune bolesti: reumatoidni artritis, sistemski eritemski lupus, kronova bolest, multiplaskleroza, hashimoto sindrom, dijabetes tipa 1, psorijaza, celijakija, vitiligo. Za liječenje autoimunih bolesti se koriste imunosupresivi. Najčešće tablete koje se koriste, odnosno lijekovi jesu, sulfasalazin tablete, metotreksat tablete, arava tablete, delagil tablete, a za smanjenje upale i usporavanje oštećenja zglobova koriste se i kortikosteroidi, nizon tablete, dekortin, pronizon. Od navedenih lijekova imunosupresiva na listi lijekova koji se propisuju i izdaju na teret sredstava Zavoda zdravstvenog osiguranja HNK-a se nalazi jedino lijek sulfasalazin. Ostali lijekovi iz reda imunosupresiva kao i kortikosteroidi nisu na listi lijekova koji se propisuju i izdaju na teret sredstava Zavoda za zdravstveno osiguranje HNK-a. Cijena lijeka arava je 92 KM, kutija od 30 tableta, što je mjesečna terapija za jednog pacijenta, cijena resohin tableta je 19 KM, kutija od 30 tableta mjesečna terapija, cijena metotreksat tableta od 2 i po miligrama iznosi 32 KM, na cijena rastvora za injekciju od mililitra iznosi 38 KM, potrebne su 4 injekcije za mjesečnu terapiju, što je 152 KM. Uzevši u obzir neophodnost upotrebe ovih lijekova za imunološke pacijente, kao i njihovu visoku cijenu, podnosim inicijativu da se ova vrsta lijekova uvrsti na pozitivnu listu lijekova koji se propisuju i izdaju na teret Zavoda zdravstvenog osiguranja HNK-a. To bi umnogome pomoglo i olakšalo pacijentima koji su prinuđeni na ovu vrstu terapije. Ja sam se malo konsultovala, i u Zapadnohercegovačkoj županiji ovi lijekovi nisu na esencijalnoj listi lijekova, ali ih odobrava zavod zdravstvenog osiguranja na osnovu zahtjeva koji pacijenti podnesu zavodu zdravstvenog osiguranja i onda im on u 100 procentnom iznosu odobrava ove lijekove. Tako da ukoliko ne postoji mogućnost da se uključe na esencijalnu listu lijekova, možda postoji mogućnost kao u Zapadnohercegovačkoj županiji. Zahvaljujem.

Slaven Raguž:

Dobar dan. Sve vas najsrdačnije pozdravljam. A vodstvu skupštine zahvaljujem što ste pričekali kolegijalno da dadnemo izjavu medijima i da krenem i ja kad krene i rad skupštine!?! Vidjeli ste me dole, vi ste bili dole do 11 i 10, kad ste rekli da ste čekali 11 i 20 deset minuta je prošlo. Dakle, kasnio sam i ja, ali kasnio sam zbog vas. Dakle, mediji su rekli u 10 i po da se dođe, ja sam namjerno ukasnio da dopustim premijeru i vama da date izjavu i bilo mi minimalno kolegijalnosti da ste me pričekali jer sam imao najavljenju dodatnu točku dnevnog reda koju ću sad morati biti prinuđen staviti kao inicijativu. Mislim na dopušta se, traže se isprike za ne prijenos uživo, dakle ja znam minimalno 5 medija koji će besplatno prenositi rad skupštine, kojima se to nije omogućilo do ove procedure. I za ovu skupštinu im je onemogućeno, rečeno da ne smiju. Završivši tu digresiju.

Šerif Špago:

Ja se izvinjavam gospodine Raguž, mislim vi možda komunicirate s medijima, ja njima kažem niti je ko tražio niti je ko zabranio da neko uđe, sjedi, snima sjednicu skupštine. Tako da te informacije evo radi javnosti i radi poslanika nisu tačne, ko vam je god rekao, jedna sjednica kad je bila na početku pandemije bio je zahtjev jednog portala, kolegij je donio odluku s obzirom na epidemiološku situaciju da ne možemo dozvoliti zbog onaj broja ljudi, a od zadnjih par sjednica niti je ko tražio niti je ko kome zabranio. Evo radi vaše informacije.

Slaven Raguž:

U redu. Ja sam čisto pozivao se, želio sam reć ovo po pitanju kolegijalnosti, vidjeli ste me dole, svi smo se lijepo pozdravili, mogli ste me pričekat 5 minuta. Dakle, imam jedno zastupničko pitanje i jednu inicijativu. Zastupničko pitanje gospodinu Adnanu Faladžiću, ministru financija HNŽ-a. Koje je stanje namjenskog računa za zaštitu od prirodnih i drugih nesreća i koji promet po računu je ostvaren putem sredstava ostvarenih na temelju posebne naknade za zaštitu od prirodnih i drugih nesreća, utvrđene u odredbi stavka 1, članka 180 zakona o zaštiti i spašavanju ljudi i materijalnih dobara od prirodnih i drugih nesreća, i to po mjesecima za period od 01.01.2020. godine do 31.07.2020. godine. Zašto ovo pitanje, zato što sam imao namjeru kao jednu od točaka dnevnog reda staviti izvješće o radu županijske uprave za civilnu zaštitu. U materijalima koje smo dobili dobili smo neko paušalno izvješće, koje sam ja mislio da se danas raspravlja ali gospodin Herceg mi je obećao da će ta točka dnevnog reda biti na sljedećoj sjednici skupštine, i u tom izvješću nedostaje financijsko izvješće u skladu sa zakonom o proračunima, o utrošku ovih sredstava, pa zato tražim ovo izvješće.

Druga stvar, je inicijativa prema ministarstvu obrazovanja, što sam htio da bude točka dnevnog reda, ali evo onemogućili ste me, pa ću ovo provesti kao inicijativu. Inicijative za preporuke školama od strane ministarstva obrazovanja, pod 1) djeci omogućiti neometano odvijanje nastave u školama. Zavod za Javno zdravstvo je donio minimalne epidemiološke zaštitne mjere koje bi to morale omogućiti i škole se tome moraju prilagoditi. Uz pridržavanje higijensko- epidemioloških mjera i opremanje škola dezinfekcijskim sredstvima djeca moraju pohađati školu po redovitom planu i programu, a ne da se improvizira zadnjih tjedan dana, škole su dobile tri različite forme preporuka za odvijanje škole. Na razini županije se moraju donijeti krizni planovi u slučaju pojave zaraze u školama, to se ne smije ostaviti na razini škola. Školama se mora ostaviti isključivo provedba tih planova. Dakle, me možete očekivati od nastavnog osoblja, od nastavnice glazbenog, tjelesnog, tehničkog, da smišlja i osmišljava plan u slučaju zaraze djece u školi i u slučaju nekog od nastavnog osoblja, to mora napraviti izvršna vlast, to mora napraviti ministarstvo zdravstva, to mora napraviti ministarstvo obrazovanja, kanalizirati prema školama i u suradnji sa jedinicama lokalne samouprave koji su osnivači da se taj plan provodi. Ostaviti to na razinu nastavnog osoblja dovodi u neugodnu, da ne kažem opasnu situaciju, ne samo nastavno osoblje, nego i roditelje i djecu. U slučaju udaljenog školovanja

potrebno je imati jasan popis alata koji se koriste kako bi se djeci osigurali istovjetni uvjeti za rad, koji ni u kojem slučaju ne bi smjeli ovisiti o informatičkoj pismenosti ili nepismenosti i dobroj volji učitelja. Roditeljima čija djeca budu morala pohađati nastavu online mora biti osiguran tehnički minimum uvjeta kako roditelji ne bi morali imati dodatnih troškova. Napominjem, osnovno obrazovanje je besplatno. S obzirom da se radi o izvanrednim okolnostima za djecu potrebno je i osigurati odgovarajuću psihološku i pedagošku podršku, pa je potrebno uvesti i razgovore ili predavanja za djecu kako bi im se pomoglo razumijeti novonastale okolnosti na satu razrednika. Zašto? Ovo je bitno zato što su po posljednjim istraživanjima u Njemačkoj, pa i Švedskoj i Italiji, djeca razvijaju posebnu vrstu PTSP sindroma. Kako bi to izbjegli kod nas potrebno je da se uvode ili razgovori ili predavanja na individualnoj ili kolektivnoj razini na satu razrednika djeci naših škola. Dalje ću komentirati i diskutirati kad bude tema pod točkom broj 2 o pojedinim dopunama zakona. Zahvaljujem.

Mejrima Hasić:

Zahvaljujem predsjedavajući. I pozdravljam sve prisutne. Na osnovu člana 83 Poslovnika Skupštine HNK-a podnosim inicijativu prema Vladi i Ministarstvu obrazovanja, nauke, kulture i sporta da obezbjedi sredstva za finansiranje prijevoza učenicima srednjih škola kojima nije omogućeno pohađanje nastave na maternjem jeziku u opštini prebivališta. Hvala.

Marija Bešker:

Hvala predsjedavajući. Sve vas skupa pozdravljam. Moje zastupničko pitanje danas ide prema Vladi, odnosno Ministarstvu financija. Tražim podatke o visini duga koji je imala HNŽ-e na dan 31.12.2019., sa strukturom, po vrstama i po godinama u kojima je dug nastao. Hvala.

Iva Raguž:

Hvala predsjedatelju. I sve vas lijepo pozdravljam. Svoje zastupničko pitanje kao i svake godine u ovo vrijeme upućujem ministru obrazovanja. Kao i dosadašnjih godina par dana prije početka nastave nemamo nikakvu informaciju o asistentima u nastavi za djecu sa poteškoćama u razvoju. Stoga moje pitanje glasi: hoće li asistenti u nastavi u ponedjeljak 7. rujna čekati djecu sa poteškoćama u razvoju u školskim klupama? Zahvaljujem.

Milica Pehar:

Hvala. Moje prvo zastupničko pitanje je slično kao i kod gospodina Raguža, evo malo ću bit preciznija, za Ministarstvo obrazovanja, znanosti, kulture i športa. Tko će osim predstavnika vijeća roditelja biti uključen u donošenje kriznog plana, kojeg treba imati svaka škola i što će on točno sadržavati? Obrazloženje: za donošenje odgovarajućih i pravovremenih mjera predstavnici roditelja i uprave škole ne posjeduju potrebne kompetencije za donošenje kriznog plana.

I drugo je, nešto vezano za samu nastavu, isto ministarstvu. Hoće li nastavni plan i program za školsku 2020.-2021. godinu biti reduciran, kako bi se nadoknadili propušteni i neusvojeni nastavni sadržaji iz prethodne školske godine? Zbog nesnalaženja djelatnika, roditelja, djece, pa u jednom dijelu i resornog ministarstva, mnogi nastavni sadržaji nisu usvojeni u odgovarajućoj mjeri, a neki su i propušteni. Vrijeme opetovanja nastavnih sadržaja iz prethodne školske godine treba sa sadašnjih 4 do 5 tjedana produljiti na 8 do 10, kako bi se dobilo odgovarajuća povratna informacija o usvojenosti nastavnog sadržaja. To za sobom povlači smanjenje broja planiranih sati za nove nastavne jedinice, te je potrebno izvršiti redukciju nastavnog plana i programa, a dio sadržaja se može prenijeti i u školsku godinu. Tako

bi se izbjegle praznine i nedostaci u znanju učenika, koje bi ako se ništa ne poduzme u budućnosti mogle prouzročiti nesagledive posljedice, ne samo za odgoj i obrazovanje već za sve segmente društva. Hvala.

Andrea Pehar:

Lijep pozdrav svima. Upućujem inicijativu Vladi HNŽ-a o zabrani rada nedjeljom. Iz ove odluke izuzimaju se ljekarne, trgovine za promet naftnih derivata, ugostiteljski i smještajni objekti. Pekarnicama, trgovinama prehranom, trgovinama za prodaju duhanskih proizvoda, novina, časopisa, te suvenirskim radnjama, potrebno je ograničiti radno vrijeme. Obrazloženje: u prethodnom vremenu, vremenu pandemije, svi smo shvatili da dobrom organizacijom vremena nismo bili uskraćeni za ništa, snabdijevanje se obavljalo u dozvoljenom vremenu, promet će možda taj dan se smanjiti ali će se prethodni nadoknaditi ili sljedeći dan povećati. Svaki radnik zaslužuje jedan dan u tjednu za sebe i smatram da će poslodavci imati samo zadovoljnijeg i motiviranijeg radnika. Također, želim naglasiti, da općina iz koje dolazim je 2018. godine izvrsno riješila ovo pitanje i nitko nije nezadovoljan. U sezoni je produženo, ali i značajno ograničeno radno vrijeme. Ovom odlukom bi sigurno stvorili bolje ozračje na tržištu rada. Hvala.

Aner Žuljević:

Zahvaljujem predsjedniče. Pošto se prvi put javljam, da pozdravim sve prisutne. Znači moje prvo pitanje odnosi se na Vladu, znači koliki je ukupan broj privrednih subjekata koji je ostvario pravo na subvencije po bilo kojem instrumentu u okviru našeg kantonalnog zakona, od ukupnog broja registrovanih pravnih subjekata? Ono što imamo informacije, da je 2.143 pravna lica bila prijavljena, od toga je 65% ostvarilo određeno pravo. Mene interesuje koliki je obuhvat naših mjera iz zakona koji smo usvojili bio u odnosu na našu ukupnu strukturu ekonomske slike kantona? Nažalost, ova informacija koja je došla po resorima nije nešto što može dati baš ovako dubinsku informaciju. Druga stvar koja me također interesuje, koliko od onih 8.800.000 KM koje smo planirali je iskorišteno po mjerama koje su planirane, odnosno koliko je konkretno već transferisano tog novca u privrednim subjektima? I drugo pitanje. Dali Vlada u ovom momentu ima informaciju o broju ugašenih obrta ili pravnih lica od perioda početka pandemije i broja otpuštenih radnika u HNK-a? Ako ima tu analizu, volio bih da je dobijem, znači broj ugašenih obrta ili pravnih lica sa brojem otpuštenih radnika po mjesecima. Zahvaljujem.

AD 2. Informacija o trenutnoj epidemiološkoj situaciji u HNK

Obrazložene su dali: Nevenko Herceg, predsjednik Vlade HNK; Goran Opsenica, ministar zdravstva, rada i socijalne zaštite HNK i Rašid Hadžović, ministar obrazovanja, nauke, kulture i sporta.

Otvorena je rasprava.

U raspravi su učestvovali: Amir Šelo, Slaven Raguž, Aner Žuljević, Damir Džeba, Julineta Jurić, Tomislav Martinović, Nevenko Herceg, predsjednik Vlade HNK; Goran Opsenica, ministar zdravstva, rada i socijalne zaštite HNK i Rašid Hadžović, ministar obrazovanja, nauke, kulture i sporta, Stana Burić, Šerif Špago i Slaven Raguž.

Zastupnik Amir Šelo predložio je slijedeće zaključke:

- 1. Zadužuje se Vlada HNK-a da unutrašnjim preraspodjelama i uštedama u budžetu u HNK-a za 2020. godinu planira dodatna sredstva za oblast turizma u HNK-a. Zaključaj stupa na snagu danom donošenja i objavit će se u Službenim novinama HNK.**
- 2. Zadužuje se Vlada HNK-a da od sredstava predviđenih za provođenje Zakona o ublažavanju negativnih posljedica izazvanih epidemijom korona virusa Covid 19 u HNK-a razmotri mogućnost pomoći obrtnicima u HNK-a, a koji su postali nerentabilni pojavom Covid 19. Zaključak stupa na snagu danom donošenja i objavit će se u se u Službenim novinama HNK-a.**

Uslijedila je pauza od 30 minuta kako bi se Kolegij Skupštine HNK usuglasio oko zaključaka.

Nakon pauze Kolegij Skupštine HNK predložio je slijedeće zaključke:

- 1. Zadužuje je Ministarstvo obrazovanja, nauke, kulture i sporta HNK da u saradnji sa nadležnim službama jedinica lokalne samouprave i drugim nadležnim institucijama svakih 15 (petnaest) dana analiziraju stanje u obrazovanju sa aspekta epidemiološke situacije i donosi odgovarajuće mjere.**
- 2. Osigurati odgovarajuću psihološku i pedagošku podršku djeci kroz razgovor i/ili predavanja na satu razrednika s ciljem razumijevanja novonastalih okolnosti.**
- 3. Zadužuje se Ministarstvo finansija da do 05.09.2020. godine izvrši isplatu i doznači na račun podnositelja zahtjeva, koji su ispunili uvjete za pomoć, sukladno Zakonu o ublažavanju negativnih ekonomskih posljedica uzrokovanih epidemijom koronavirusa (COVID-19) i podršci ekonomiji na području HNK, a koje je do danas odobrila Vlada HNK.**
- 4. Zadužuje se Vlada HNK, Ministarstvo finansija HNK i Ministarstvo trgovine, turizma i zaštite okoliša da najkasnije do 20.09.2020. godine odobri i isplati preostali dio zahtjeva koji ispunjavaju uvjete iz objavljenog javnog poziva.**
- 5. Zadužuje se Vlada HNK da nakon isplate podnositelcima zahtjeva po objavljenom javnom pozivu na osnovu Zakona o ublažavanju negativnih ekonomskih posljedica izazvanih epidemijom koronavirusa (COVID-19) i podršci ekonomiji na području HNK preostala sredstva usmjeri u najugroženije privredne djelatnosti.**

Zaključak stupa na snagu danom donošenja i objavit će se u Službenim novinama HNK.a

Obavljeno je glasanje po predloženom zaključku.

Nakon glasanja konstatovano je da je predloženi Zaključak jednoglasno usvojen.

Kolegij Skupštine HNK predložio je slijedeći zaključak koji se odnosi na Vijeće ministara:

1. Turistička djelatnost u HNK je u proteklm mjesecima teško pogođena pandemijom koronavirusa;

2. Skupština HNK poziva Vijeće ministara BiH da preispita do sada donešene odluke o načinu i režimu ulaska stranaca u BiH te da otvori granicu i olakša ulazak za turiste koji imaju namjeru turistički boraviti na ovim prostorima.

Zaključak stupa na snagu danom donošenja i objavit će se u Službenim novinama HNK.

Obavljeno je glasanje po predloženom zaključku.

Nakon glasanja konstatovano je da je predloženi Zaključak jednoglasno usvojen.

AD 3. Prijedlog Zakona o izmjenama i dopunama Zakona o oružju i municiji u HNK (utvrđen po skraćenom postupku)

Obrazloženje je dao Slađan Bevanda, ministar unutarnjih poslova u Vladi HNK, koji je u ime Vlade HNK predložio slijedeće amandmane:

Član 15. stav (1) mijenja se i glasi:

(1) Ispunjavanje uslova iz člana 10. stav (3) tačka b) ovog Zakona, za oružje kategorije B podnosioc zahtjeva dokazuje potvrdom o položenom ispitu i osposobljenosti za pravilno držanje, nošenje i rukovanje oružjem, kao i:

a) lica koja već posjeduju ili su posjedovale registrovano oružje te vrste, kao i lica koja imaju ili su imali sukorisništvo oružja te vrste, dokazuju važećom ispravom o oružju ili potvrdom iz evidencije nadležnog organa.

U članu 15. stav (3) Zakona dodaje se nova rečenica:

„Obuku u rukovanju vatrenim oružjem može obavljati i ministarstvo.“

Otvorena je rasprava.

U raspravi nije nitko učestvovao.

Obavljeno je glasanje po Prijedlogu Zakona o izmjenama i dopunama Zakona o oružju i municiji u HNK (utvrđen po skraćenom postupku) sa predloženim amandmanima.

Nakon glasanja konstatovano je da je Prijedlog Zakona o izmjenama i dopunama Zakona o oružju i municiji u HNK (utvrđen po skraćenom postupku) sa predloženim amandmanima jednoglasno usvojen.

AD 4. Prijedlog Zakona o izmjenama i dopunama Zakona o izvršenju sankcija u HNK (utvrđen po skraćenom postupku)

Obrazloženje je dao Suad Balić, ministar pravosuđa, uprave i lokalne samouprave u Vladi HNK.

Otvorena je rasprava.

U raspravi nije nitko učestvovao.

Obavljeno je glasanje po Prijedlogu Zakona o izmjenama i dopunama Zakona o izvršenju sankcija u HNK (utvrđen po skraćenom postupku).

Nakon glasanja konstatovano je da je Prijedlog Zakona o izmjenama i dopunama Zakona o izvršenju sankcija u HNK (utvrđen po skraćenom postupku) jednoglasno usvojen.

AD 5. Prijedlog Zakona o dopunama Zakona o osnovnom odgoju i obrazovanju (utvrđen po skraćenom postupku);

AD 6. Prijedlog Zakona o dopunama Zakona o srednjoškolskom odgoju i obrazovanju (utvrđen po skraćenom postupku)

Obrazloženje je dao Rašid Hadžović, ministar obrazovanja, nauke, kulture i sporta HNK.

Otvorena je rasprava.

U raspravi su učestvovali: Marija Bošković, Tomislav Martinović, Mejrma Hasić i ministar Rašid Hadžović.

Predsjedavajući Skupštine HNK Šerif Špago predložio je slijedeći zaključak po tački 5.:

1. Prihvata se Nacrt zakona o dopunama Zakona o osnovnom odgoju i obrazovanju kao dobra osnova za izradu prijedloga zakona;

2. Zadužuje se Vlada HNK da u pripremi prijedloga zakona razmotri primjedbe, prijedloge mišljenja poslanika iznesena na raspravi na sjednici Skupštine HNK;

3. Zaključak stupa na snagu danom donošenja i objavit će se u Službenim novinama HNK.

Obavljeno je glasanje po ovom prijedlogu zaključka.

Nakon glasanja konstatovano je da je navedeni zaključak jednoglasno usvojen.

Predsjedavajući Skupštine HNK Šerif Špago predložio je slijedeći zaključak po tački 6.:

1. Prihvata se Nacrt zakona o dopunama Zakona o srednjoškolskom odgoju i obrazovanju kao dobra osnova za izradu prijedloga zakona;

2. Zadužuje se Vlada HNK da u pripremi prijedloga zakona razmotri primjedbe, prijedloge i mišljenja poslanika iznesena na raspravi na sjednici Skupštine HNK;

3. Zaključak stupa na snagu danom donošenja i objavit će se u Službenim novinama HNK.

Obavljeno je glasanje po ovom prijedlogu zaključka.

Nakon glasanja konstatovano je da je navedeni zaključak jednoglasno usvojen.

Sjednica je završena u 16:30 sati.

Zapisničar
Dario Topić

Predsjedavajući
Šerif Špago